

T 3228/0.82

廣東通志卷之二

星野志

漢司馬遷云人有列宿地有州城星野之大也

應否以而參天兩地必自全誠以經緯之

全上龍飛御宇日月合璧五星聯珠地

或當或臨或一遇矣博稽上古尚書

平漢南統今紀常是也大禹玉璽

其美沐日浴月百寶生詠并

卦均鐘離則也日月麗乎天

成天下

聖人言出

廣東通志卷之二

星野志

漢司馬遷云天有列宿地有州域星野者天地協應者也而參天兩地必有至誠以統理之我

皇上龍飛御宇日月合璧五星聯珠粵地慶雲疊現皇哉堂哉萬載一遇矣博稽上古尚書獨載堯以來平秩南訛今化州是也大禹玉牒記云祝融司方發其英沐日浴月百寶生詎非神臯奧區歟粵於卦爲離離麗也日月麗乎天百穀草木麗乎土化成天下麗乎正



聖人首出配天地而貫三才仰則觀象俯則觀法泰運

星野通志 卷之二
遐昌苞符翕集南陲有耀振古獨昭已志星野

圖目

星野總圖

總圖



星野

總

周天三百六十五度有奇二十八宿環布赤道各占度數分為十二次配十二野宿離不貸毋失經紀今繪總圖考天文志以徵其實其繫於粵者別繪分圖焉

自尾十度至南斗十一度是為析木於辰在寅燕之分

野今北直順天保定河間永平盛京與朝鮮

自南斗十二度至須女七度是為星紀於辰在丑吳越

之分野今江南江西浙江福建廣東廣西梧州

自須女八度至危十五度是為元枵於辰在子齊之分

野今山東濟南東昌青州登州萊州

自危十六度至奎四度是為娵訾於辰在亥衛之分野

今河南衛輝彰德懷慶北直大名

自奎五度至胃六度是為降婁於辰在戌魯之分野

今山東兗州

自胃七度至畢十一度是為大梁於辰在酉趙之分野

今北直真定順德廣平山西大同

自畢十二度至東井十五度是為實沈於辰在申魏之

分野今山西太原平陽遼沁澤潞四州



自東井十六度至柳八度是為鶉首於辰在未秦之分

野今陝西四川雲南貴州

自柳九度至張十六度是為鶉火於辰在午周之分野

星紀圖

斗牛女



十二國

○趙 ○吳越

○周 ○鄭 ○齊

○秦 ○楚 ○燕

○代 ○魏 ○晉

○韓

星紀 斗牛女

爾雅釋天星紀斗牽牛也

謹按爾雅本文星紀祇言斗牽牛而不及女然注

疏則曰丑為星紀初斗十二度終婺女七度

春秋元命苞牽牛流為揚州分為越國

謹按此以牽牛一宿主揚越不及斗女

周禮疏須女虛危元枵也齊青州分野自濟達河其象

為天津絕雲漢之陽而岱宗為十二諸侯受命之府

下流得婺女為九河末流比于星紀與吳越同占南

斗牽牛星紀也吳越揚州分野南斗在雲漢下流當

淮海間為吳分牽牛去南河浸遠負豫章迄會稽南

踰嶺微爲越分

謹按此亦以斗牽牛爲星紀然婺女曰比于星紀則亦分而仍合

杜預左傳注星紀在丑斗牛之次

史記天官書南斗爲廟牽牛爲犧牲婺女其北織女織

女天女孫也斗江湖牽牛婺女揚州

正義須女越之分野斗牛吳之分野

前漢書地理志粵地牽牛婺女之分野也今之蒼梧鬱

林合浦交趾九真南海日南皆粵分也

蔡邕月令章句自斗六度至須女二度謂之星紀之次

越之分野

星經南斗牽牛吳越之分野揚州 又曰牽牛六星次

一二星主南越明則王道昌 又曰牛七度天之關

梁 又曰女前十二星近九坎東主十二國鄭北一

星曰越

淮南星部名斗牽牛越須女吳

謹按此以斗牛爲越而女專屬吳與諸家說互異

皇甫謐帝王世紀黃帝受命始推分星次以定律度自

斗十一度至婺女七度一名須女曰星紀之次於辰在丑

亦謂之赤奮若於律爲黃鍾斗建在子今吳越分野

沈懷遠南越志南越之地牛女分野揚州之末土也

唐書天文志南斗爲吳分牽牛爲越分婺女當九河末

派比於星紀與吳越同占 又曰初南斗九度餘千
四十二秒十二太中南斗二十四度終女四度自廬
江九江負淮水南盡臨淮廣陵至於東海又逾南河
得漢丹陽會稽豫章西濱彭蠡南涉越門迄蒼梧南
海逾嶺表自韶廣以西珠崖以東爲星紀之分也古
吳越羣舒廬桐六蓼及東南百粵之國南斗在雲漢
下流當淮海間爲吳分牽牛去南河寢遠自豫章迄
會稽南逾嶺徼爲越分翼軫鶉尾也初張十五度餘
千七百九十五秒二十二太中翼十二度終軫九度
自房陵白帝而東盡漢之南郡江夏東達廬江南郡
濱彭蠡之西得長沙武陵又逾南紀盡鬱林合浦之

地自沅湘上流西達黔安之左皆全楚之分

唐書地理志嶺南古揚州之南境韶廣康端封梧藤
雷崖以東爲星紀分


韓愈曰踰旣閩而南皆百越之地於天文其次星紀
杜佑通典揚州管斗吳之分野兼得楚及南越之交牽
牛婺女越之分野

宋史嶺南當牛女之分


元史斗四度三十六分六十六秒入吳越分

明統志粵廣州牛女分野南雄韶州肇慶高州雷州瓊
州同惠州潮州牽牛

山堂考索牛女爲越分



翼



東甌



青邱



軫

翼軫

春秋元命苞軫星散為荊州

謹按此以軫一宿主楚不及翼

周禮疏翼軫鶉尾也楚荊州分野翼與觜張同象當南河之地軫在天關之外當南河之南其中一星長沙逾嶺徼而南為東甌青邱之分安南諸州在雲漢上源之東陽宜屬鶉火而柳七星張皆當中州不得連負海之地故麗于鶉尾

史記天官書翼為羽翮主遠客軫為車三風 又曰翼軫荊州

蔡邕月令章句白張十六度至軫六度謂之鶉尾之次

楚之分野

陳卓分配星度翼軫楚荆州 又曰桂陽入軫六度連今

天文書東甌五星在翼之南張衡云主東越

唐書天文志翼軫逾南紀盡鬱林合浦之地合浦今廉州


輿地志東粵九郡俱屬禹貢揚州南境天文牛女分野
惟廉州旁蠡翼軫以廉地西接粵西南寧故星野皆
同也

宋史天文志東甌五星在翼南蠻邦星也青邱七星在
軫東南蠻之國號

明統志粵廉州翼軫

郭棐云天官書獨主南斗語稍濶畧明諸臣之作一
志也始考鏡於班固與僧一行之說以廣州九郡並
屬牛女而旁蠡翼軫為廉州 又云連州屬桂陽郡
領於荆州為翼軫之次一統志不載以統於廣也其
州志仍屬鶉尾附見於此
謹按今連州陞直隸星野所當考正

天市垣圖




天市垣

鄭樵通志天市垣在房心東北主權衡主聚眾市中星眾潤澤則歲實

宋兩朝天文志天市垣二十二星東西列各十一星其東垣南第二星曰南海第六星曰吳越

三台北斗圖



三台北斗

論語摘輔象充豫屬上台荆揚屬下級

史記天官書北斗七星所謂璇璣玉衡以齊七政衡殷

南斗 又曰斗魁戴匡六星曰文昌宮魁下六星兩

兩相比者名曰三能三能色齊君臣和

星書北斗七星第一星曰天樞二曰璇三曰璣四曰權

五曰玉衡六曰闔陽七曰瑤光石氏曰一主秦二主

楚三主梁四主吳五主趙六主燕七主齊 按吳兼吳越言

又曰三台為天階太一躡以上下一曰泰階所以和

陰陽而理萬物也

星經玉衡第六星主揚州常以五巳之日候之

孟康曰泰階三台也下一台屬荆揚荆揚粵也

宋天文志三台六星兩兩而居其西近文昌二星曰上

台為司命下台主荆揚

廣雅布度定紀布州繫象徐揚屬權荆屬衡

據張輯廣雅以九州屬北斗

自徐州揚州荆州外
雍州屬魁冀州屬樞

兖青二州屬機梁州
屬闔陽豫州屬瑤光

星止七而州有九蓋合青于

兖合揚于徐也

謹按此分屬又與諸說互異



戴璟曰東粵於北斗在權星於三台在司命下星此不

可易者

郭棐曰北斗第六星名闔陽權乃第四星主荆當從闔

陽為是

老人星圖



○狼星

○老人星

○孫

○子

老人星

史記天官書弧直狼狼比地有大星名曰南極老人老人見治安常以秋分時候之於南郊

晉書天文志老人一星在弧南秋分之旦見於丙春分之夕入於丁常以秋分候之南郊明大則人主有壽天下安寧

天文書南極在丁

星書老人星常於秋分見丙丁之位按粵東盡溟海其次居丙丁秋分之曙南極老人星見於其位南粵之星多於天下唐時有人行瓊海以八月時見南極老人星下有大星無數皆古所未名星經所不能載

宋中興天文志南極老人在弧矢南司天下人民壽算
蓋北極在丑艮故南極在未坤南極入地三十六度
不可得而見也故其精神出地以見乎南謂之南極
老人然其出地亦不甚遠故隱見不常見則爲祥其
勢位等威蓋與中斗相埒以輔上帝故雖在井分井
不得而司之也

熒惑星

熒惑傳以十月入朝太微出行列宿二
歲而周天出入無常故不繪圖而附後

史記天官書察剛氣以處熒惑曰南方火主夏日丙丁
心爲明堂熒惑廟是也 又曰吳楚之疆候在熒惑
占於鳥衡

星經熒惑主衡山荆揚交州

晉書天文志熒惑曰南方夏火禮也視也主楚吳越以
南

天文書熒惑主楚越丙主楚戊主吳越

唐書天文志星紀鶉尾以負南海其神主於衡山熒惑
位焉

宋中興天文志熒惑色赤比心大星大小類填遇有道
之分則循軌順行天下義寧年穀順成主南方
以上總圖分圖及雜引考證復採舊志及各府志
可備參訂者列左

舊省志夫司天在南土則日中星鳥尚矣顧其事專於
授時若夫宿離經紀則非分星莫辨邈其始蓋與律

度相準後寢廣之以察機祥春秋史墨有占姑不遠述第以世紀考之自斗十一度至婺女七度爲星紀揚州吳越之次於辰在丑律爲黃鍾斗建在子此其較著也其間又或分星分度不同天官書獨主南斗語稍闊畧迨明之作志始考鏡於班固與僧一行之說以廣州九郡並屬牛女而旁蠡翼軫爲廉州燦然辨矣若陳卓分星以配郡僅取諸吳越故疆而東南負海諸郡不入儒者錮於方位又疑星紀北而吳越在南顧昔人以表景揆度計一度可二千九百三十餘里今盡計吳越及濱海之地以配度數尚爲有餘律始黃鍾故星紀爲日月五星之中道其南北相直

精氣必遠而相麗屬倘置海國於度外不占又欲其封域與星皆不遠咫尺此何藉於保章氏哉

廣州府志綜全粵而言分星大槩屬之斗牛女而又分出廉州屬于翼軫唐天文志曰翼軫逾南紀盡鬱林合浦之地今之廉州建于唐蓋漢之合浦郡也攷廣郡一十七屬連州與連陽二縣之分野亦屬翼軫蓋連州於漢爲桂陽隸于荊州連陽二邑皆桂陽之境當居翼軫之次故漢書地理志曰楚地翼軫之分野南郡桂陽等郡屬焉晉天文志曰翼軫楚荊州今桂陽入軫六度是也此一郡分星之有異者考諸家分星之說雖度數或有不同要皆屬之牛女

爲多但史記天官書謂越之平熒惑守斗而西漢天文志亦謂元鼎中熒惑守斗斗越分也未幾越平星文實應之又似乎越之分野專在於斗或以度數論之粵得南斗爲多云

韶州府志明舊志云韶州屬牛女之分星紀之次

南雄府志郡守陸世楷曰周制保章氏以列星配合九州謂之分野而天官書因之然有地南而星北地西而星東地狹而星多地廣而星少者談天之家類如聚訟焉考嶺南古揚州境周禮斗牛女當揚州之域春秋元命苞牽牛流爲揚州史記斗江湖牽牛婺女揚州魏晉書俱自斗十一度至女七度爲星紀吳越

分野于辰在丑故廬江以南盡于珠崖皆揚州分域至考續隋書鶉尾擁篲而占在吳越鶉尾者翼軫也是吳越亦與楚同分而歐必元之志粵省也嘗主之矣葉春及志端州則又揆北極遠近謂尾箕當閩越之南楊載鳴志惠州亦謂惠宜殷平尾箕在斗牛下而以南粵錄左帶牛頭右據龍尾爲證卽諸家互異而斗牛女三宿又似去粵差遠焉然明之一統志專主班固與一行之說以廣州九郡竝屬牛女而旁蠡翼軫爲廉州至爲確當雄州則在漲海以北梧藤封以東欲以一隅之地而占之于參之旁氏之下以驗其祥異豈能尺寸而量而毫髮無所失乎然若代郡

入東井二十八度太原入東井二十九度則各郡析之而雄之度數宜稽也又若魏徙大梁而西河合于東井秦拔宜陽而上黨入于輿鬼則鄰郡接之而雄之躔次又宜別也是皆不可以不審也要之斗爲天廟牛爲關梁婺女爲少府其候不一各以類應此在司天者慎推步以驗懸象卽諸家同異之說亦漸有所折中矣

郡守黨居易曰分野之說前陸世楷論之詳已獨以代郡兼井六度太原入井二十度分析之則雄之度數宜稽也按輿地志東粵九郡俱屬禹貢揚州南境天文牛女分野惟廉州旁蠡翼軫以廉地南接粵西

南寧故分野皆同也今以分星考之斗牛女同在丑宮斗二十二度牛七度女十一度九江斗一度廬江斗六度丹陽斗十六度豫章斗十度雄之非斗明已若牛星則會稽在其一度臨淮入其四度廣陵入其八度而牛之度已盡雄之去三郡爲差遠泗水則入女二度六安入女六度而女之所屬又全雄之去二郡爲尤遠必欲明其度意者其在牛女之界歟又以魏徙大梁而西河合于東井秦拔宜陽而上黨入于輿鬼以鄰郡辨接而雄之躔次又宜別也攷二十八宿分隸言之大約四正子午卯酉則得三宿子得女虛危而齊當之卯得氐房心而宋當之午得柳星張

而周當之酉得胃昴畢而趙當之其餘每宮止躔二宿丑與子二宮得介牛金牛土之間而吳當之揚粵皆古吳地丑其雄之躔次歟凡此者皆前人之所欲詳也考辨于此庶幾按圖而索驥不至於差謬歟

惠州府壬寅志夫斗牛女非天之北乎吳粵非地之南乎以北分南何居曰天地南北東西殊也曷殊乎天之運也平地之倚也欹人處地上觀天之半而已天雖有北實交地中必平旋而南焉夫然後人得而見也是故爾殊也殊則列宿皆然矣曷獨斗牛女分吳越乎曰二極適中是謂天腹列宿成象或則上焉或則下焉斗牛女之象蓋成於厥下矣故其旋而見也

殷乎南耳吾嘗仰而觀之見其炯然在天市垣之南也以分吳越不亦宜乎然則惠亦同分矣曰惠雖同分而實有不同焉者夫惠在吳之南尾箕在斗牛之下惠宜若殷乎尾箕南粵錄曰左帶牛頭右據龍尾夫蓋有所受乎乃今以占幽并焉吾恐南北不胥殷矣抑天一度二千九百三十二里俯視齊州豈直九點烟哉而何疑乎惠之尾箕耶

謹按此說獨以惠殷尾箕據南粵錄之言恐非垂信

丙辰志分野所屬惟斗牛女之地極遠九州之域揚獨數倍而大是皆不能究知其端委矣然保章氏以星

土辨九州而粵爲揚州之南境其說所從來久遠夫
粵至秦乃通中國則保章氏時粵猶未入職方而固
以揚之分野槩之其果然歟卽以占全粵猶懼其疏
闕矣况惠一隅乎故某不欲詳之語曰天道遠人道
邇六合之外聖人存而不論有以哉

潮州府志黃佐廣東通志纖悉具備而獨缺於分野毋
亦以天道遠而叵測乎顧三才之故卽一郡不可不
備也夫體國經野必先別其分星而分星以斗牛爲
首日月五星起於斗宿由斗牛以紀星故曰星紀所
以攷和順而詔修應也潮隸廣東之東廣在漢爲南
越地在春秋爲百越地在禹貢爲揚州之域其次爲

星紀其宿爲牽牛其辰丑至明統志及分野書閩越
諸郡俱牛女分野獨惠州專屬須女而潮州專屬牽
牛豈星紀之次本有定分而潮惠所應又有不可混
而無別者與古之辰次與節氣相係各據當時曆數
與歲差遷徙不同而臺曆司察其分主而以潮州屬
牽牛與或舊志牛女之分其說然與夫揚州分野僅
天下之半而潮州不足以當其百一區區星紀之說
芒芴不可質度何也

肇慶府志經星凡百一十八名積數七百八十三星皆
有州國宮宮物類之象肇慶雖東粵一隅於星兼屬
斗牛女其伏見早晚虛實濶隘及五星所行合散躔

次動關祿祥歷代所記猶有存者

謹按葉春及志肇慶星野亦謂殷乎尾箕與惠郡

壬寅志議論多同茲不贅引

高州府志分野不見于經而昉于保章詳于歷代之史

故粵占牛女由來久矣夫揚在往古九州之一耳今

則南紀半附于揚而揚之有廣廣之有高彈丸黑子

舍牛女將安麗之然五星聚東井而應于粵熒惑守

南斗而亦應于粵考諸星經並以吳越當南斗分分

數不同其應懸遠倘所謂有分星無分野是耶非耶

廉州府志南越之地自遷固以來皆以為屬星紀牛女

之分惟唐僧一行謂韶廣封梧藤羅富雷南及珠厓

自此而東為星紀其西屬鶉尾宋歐陽修唐書謂自

昭象龔繡容及廉以西為鶉尾之墟故明朝清類天

文以及統志皆以廉屬翼軫合楚分

按地志有以廣東為揚州南境

廣西為荊州南境梧踰高涼之北廉遠潯邕之南藤梧封以東為牛女則廉潯邕當為翼軫諸說不同但考宋熙寧八年十月彗星見軫未幾交趾擾欽廉邕三州則廉在軫也明矣

雷州府志星野之說以僧一行之論為確不以地理方

位南北而定也三代以前嶺以外不入職方故止於

荆揚吳越之占止於斗牛女舊矣嶺以外要以上下

流別之附海者屬牛女廣潮惠雷瓊及邊海之縣是

也若自肇雄韶高皆直翼軫此其大較矣

謹按此以肇雄韶高皆直翼軫恐非確據

瓊州府志 瓊郡分野屬揚州之域星紀之次婺女初二

度六分三十八杪 屬婺女二度蓋女初二度孤懸星

紀之次與瓊地千餘里孤懸大海之中殆相類也且

婺女之宿為度凡十有一而其初二度不離星體星

體所臨之地氣尤獨鍾故於瓊也歸然黎婺一山挺

峙天外耳○以上舊志原文郡守賈棠曰婺女雖天

星實非女宿瓊郡有黎母山舊傳山中有女出自卯

中誕生黎類遂名黎母因以黎母名山亦稱黎婺山

因人命名本與天星無與更考婺星乃女宿傍小星

例不得與列宿同司分野瓊屬女宿非屬婺星此理

甚明不可誣也

南海北極出地一十五度 史曰南逾珠崖蓋逾珠崖

五度者地既卑下又以黎母五指諸山蔽乎其北故

北極出地度止此耳○按帝王世紀云自斗十一度

至女七度為吳越分與陳卓魏志同而蔡邕月令起

斗六度至女五度獨曰越分其說又與漢書蔡惑守

南斗語合豈象著于上自有常度而人自下觀之乃

有差殊邪○以上舊志原文郡守賈棠曰天地之體

本圓古人既以物喻之矣然天體動而不息眾星經

也日月五星緯也晝夜四時日月運行莫不於經緯

測之惟北辰北極如磨之臍如輪之軸居其所而不

動是天之樞紐也昏旦四時日月躔度皆於是測之

然北極若北自近望之出地甚高漸南漸遠漸見其

低矣瓊郡視北極出地纔十五度以遠故也故天文

羅定州志禹貢揚州之境實兼荊州諸家分野之說多屬星紀明統志輿圖志蒼梧地域屬荊天文次牛女羅舊屬蒼梧地以仰儀法推之則星紀北懸而吳越南應其光所燭處是爲星紀則於辰爲丑於律爲黃鍾於五星爲熒惑於北斗爲權於三台爲司命下星明矣占候者尙有考焉

連州志連在禹貢爲荊州之域劉禹錫云與荊楚同星分與番禺犬牙相錯故從地則屬楚從水則隸之廣州今辨其躔次表其形勝則固翼軫之分野也古云桂陽入軫舊矣

占驗缺

謹按天人感應道至微也周禮保章氏其職止於詔政序事不言徵驗孔子序論六經紀異而已漢司馬遷天官書星術風雲俱有經緯而近事休咎不見點畫且曰臯唐甘石論其占驗凌雜米鹽然則占驗之說多近附會瑣屑之見可知蓋格天之道自有大本大原天子有道天庥疊至固恃乎存誠主敬之聖學而指某瑞爲某事之丕應卽定軌轍可乎守土之大臣亦然率厥職而雨暘時若年穀順成矣保家之庶人亦然盡其性而天君泰然百體從命矣書曰王省唯歲卿士唯月師尹唯日此通乎上下之說也而要其感於呼吸捷於影嚮

遷於須臾又何可膠柱之論臆斷員機管窺之識
輕言垂象鄰於誣而益之疑耶故占驗一則缺而
有待可也

雜引

諸家所言有關推測者謹附數
則不敢廣引無稽以滋糾紛

唐書天文志一行以為天下山河之象存乎兩戒南戒

自岷山蟠豕負地絡之陽東及太華連商山熊耳外
方桐栢自上洛南踰江漢攜武當荆山至於衡陽乃

東循嶺徼達東甌閩中是謂南紀

北戒
不錄

江源自南紀

之首循梁州南徼達華陽而與地絡相會並行而東
及荆山之陽分而東流與漢水淮瀆相為表裏謂之

南河

河源
不錄

自江源循嶺徼南東及海為蠻越觀兩河

之象與雲漢之所始終而分野可知矣

攄河分兩戒之說元明以來精於測驗者往往譏
其踈謬通雅云星土分野唐志為詳然自西法圖

成則兩戒之說荒唐矣

利瑪竇為兩圖一載中土
嘗見之星一載中土未見

之星天河自井接尾箕盡垓垓萬方而分
度界之真可決從古之疑此本江西志

宋蔡戡曰分野之說肇自黃帝星文之學源於甘石其
所從來遠矣遷固范氏之說以斗女為吳越分而翼
軫為荆楚分凡欲知星文之所係先考郡國之所屬
可也方少康庶子之始封而為越國都於會稽其後
勾踐又以會稽而伯閩王搖趙佗尉之王也一都東
甌一都番禺其地皆北接吳之境土故前代多以吳

越並稱而史或謂之揚粵以粵亦揚州之分也凡遷
固以來謂斗牛女爲吳越之分野並屬揚州者皆指
粵之東界

元史曆志列宿古用闕管今新制渾儀測用二線所測
度數分秒與前代不同斗二十五度二十分牛七度
二十分女十一度三十五分翼十八度七十五分軫
十七度三十分黃道宿度斗二十三度四十七分牛
六度九十分女十一度三十二分翼二十度九分軫
十八度七十五分黃道十二次宿度斗三度七十六
分八十五秒入星紀之次辰在丑女二度六分三十
八秒入元枵之次辰在子張十五度二十六分六秒

入鶉尾之次辰在巳軫十度七分九十七秒入壽星
之次辰在辰

廣東通志卷之三

輿圖志

地志有圖昉於周禮由來逖矣蕭何收秦圖籍具知天下幅幘爾時東南一尉南海桂林象郡亦在循覽考索中耶馬援聚米爲山勲標銅柱南紀方輿不瞭如指掌歟夫九邱難讀章步缺稽儒者不出戶庭左圖右史徑輪廣袤綺分繡錯崧岑童帖經川浩澤歷歷印於目而犁於心固亦卷軸之內形象具耳矧逢

聖天子御宇日月所照赫熒光昌五嶺拱天樞南海通王會是圖也間不盈尺而太平有象矣曷可少哉

志輿圖

羅浮山圖

海防圖

各府州疆域圖

各府州城郭圖

全省總圖

梅嶺圖

澳門圖

虎門圖

羅浮山圖

圖目

全省總圖

各府州疆域圖

各府州城郭圖


海防圖

梅嶺圖

澳門圖

虎門圖


羅浮山圖



廣州府城郭圖



廣東通志 卷之二十三 輿圖



東一百五十里至南雄府始興縣界

東南二百




北二百二十里

東北一百六十里至南雄府

東南二百
至里十八

南至三百七十七里

至桂陽縣界





西北二百五十里至廣湖

西四百五十里至連州陽山界

西南四百五十五里至廣州府清遠縣界

廣州府清遠縣界




縣界

東一百四十里至江西信豐縣界


東南




江西大庾縣界




南雄府城郭圖



場教





潮州府疆域圖

東二百五十里至福建詔安縣界

東南二百四十里



福建上杭縣界

西北四百五十五里至江西長寧縣界



西三百五十里至惠州府東海澄界

澄海縣海岸

潮州府城郭圖



潮州府

潮州鎮

同知

府學

惠潮道

通判

縣學

海陽縣


縣城隍廟

教場

肇慶府疆域圖


東九十里至廣州府三水縣界


東南二百八



廣州府清遠縣界

高州府電白縣界






廣西容縣界

西北一百二十里至廣西博白縣界

西三百二十里至廉州府合浦縣界

西南二百里至雷州府遂溪縣界



吳川縣限門海

北二百里至


東北一百二十里至羅定州界

高州府疆域圖

東一百九十里至肇慶府陽江縣界

東南一百九十里至肇慶府

江陽府慶



南一百五十里至

廣州灣

高州府城郭圖




廣東通志

卷之三

輿圖

三



至廣西橫州界

西至廣西橫州界二百二十里

西至廣西上思州界三百八十里

西南至交趾界四百二十里



東至高州府石城縣界一百六十里

北至二百二十五里


東北至廣西博白縣界一百八十里



南至八十里

至高州府石城縣界一百八十里

廉州府城郭圖




廉州府城郭圖

廉州府城郭圖


廉州府城郭圖

廉州府城郭圖



雷州府疆域圖

東二十里至東海岸接高州府吳川縣界



北一百一十五里

東北一百六十里

至高州府

吳川縣界

遂溪縣

湛川巡司

雷州府

特侶塘

南浦津

寧海巡司

踏磊

南至一百八十里

東南二百里

至徐聞縣

海岸界

至高州府石城縣界

西二百里至遂溪縣海岸界

西二百四十里至西海岸接廉州府合浦縣界

西南

二百里至徐聞縣

海岸界

至踏磊海岸界



橫山堡

海康縣

西湖

雷祠

清道巡司

東湯巡司

徐聞縣



教場

社稷壇

懷蘇樓

寇公祠

天寧寺

西湖

雷州府

府學

同知


協鎮

伏波廟


雷廟





瓊州府疆域圖



瓊四面環海不載八至



瓊州府城郭圖



羅定州疆域圖

東一百八十里至肇慶府高要縣界


東南

一百

六十五

里至肇慶府

新與縣界



肇慶府封川縣界

高州府茂名縣界





勒寶山

協鎮

羅定州


上帝廟

先農祠

包公祠

開元寺

穀場



城隍廟

關帝廟

學宮

養濟院

社稷壇

石龜山

連州疆域圖


東二百三十里至韶州府英德縣界

東南三百里至廣州府

清遠縣界

湖至里百一北

東北一百一十里至湖廣宜章縣界



廣至里百一南

廣臨武縣界

西北九里至湖廣江華縣界





西懷集縣界

西一百五十里至廣西賀縣界

西南二百二十里至廣西賀縣界

連州城郭圖




廣東海防圖































嶺南第一峯



澳門圖



廣東通志

卷之三

四十一



廣東通志

卷之三

輿圖

四十一

虎門圖



廣東志卷第三

東志卷第三

